

**STATUT
I SHOQËRISË ME PËRGJEGJËSI TË KUFIZUAR
“TLC” SHPK**

EMRI I SHOQËRISË, SELIA, OBJEKTI, KOHËZGJATJA

**Neni 1
Themelimi, Emërtimi**

Sot, më datë **16.01.2024**, themeluesi i mëposhtëm:

z. Enkes Hysendhima, lindur ne Orikum - Vlore (Shqipëri), me 21.01.1981, i identifikuar nëpërmjet dokumentit te identifikimit Leternjoftim me numër I10121034J, madhor dhe me zotësi te plete për te vepruar.

Ka krijuar një shoqëri me përgjegjësi të kufizuar me emërtimin: “TLC” (Trade Law & Consulting) **SHPK**

**Neni 2
Objekti**

2.1 Objekti tregtar i shoqërisë do te jete:

Ofrimi i konsulencave dhe i shërbimeve ligjore te ndryshem për individët, personat fizikë dhe juridikë, shqiptarë dhe të huaj në fushën e tregtisë se pasurive te paluajtshme, prokurimeve publike, tatimeve, doganave, telekomunikacionit, medias, ndërtimit dhe urbanistikës, pasurive të paluajtshme, koncesioneve, procedurave administrative, transportit, mjedisit, marrëdhënieve të punës, sigurimeve shoqërore, sportit, pronësisë industriale, të drejtës së autorit, turizmit apo çdo fushe tjetër të veprimitarisë ekonomike që njihet dhe lejohet nga legjislacioni shqiptar dhe ai ndërkombëtar.

2.2 Objekti i Shoqërisë mund te shtohet ose ndryshohet me vendim te Ortakut te Vetëm.

2.3 Shoqëria mund te kryeje aktivitetet te tjera se bashku me aktivitetet qe i përkasin objektit te shoqërisë, ne qofte se këto aktivitetet janë te nevojshme për ekzistencën ose për veprimtarinë e Shoqërisë, por nuk përbejnë aktivitetin e zakonshëm te saj.

**Neni 3
Selia**

3.1 Selia ligjore e shoqërisë është në adresën **“Rruga Sulejman Delvina Lagja Hajro Cakerri - Vlore”**.

3.2 Me vendimin e ortakut te vetëm mund të hapen ose mbyllen në Shqipëri ose jashtë saj, njësi dytësore, degë dhe filiale.

**Neni 4
Baza Ligjore**

4.1 Shoqëria do ta kryejë aktivitetin e saj në përputhje me këtë Statut, dhe legjislacionin ne fuqi te Republikës te Shqipërisë.

**Neni 5
Kohëzgjatja**

5.1 Shoqëria do të fillojë aktivitetin e saj pas regjistrimit pranë regjistrat tregtar të Qendrës Kombëtare të Biznesit (QKB).

5.2 Shoqëria krijohet për një afat të pacaktuar.

**Neni 6
Kapitali**

6.1 Kapitali fillestar i Shoqërisë është 100 (një qind) Lekë.



- 6.2 Kapitali i Shoqërisë përbëhet nga 1 (një) kuote, qe përfaqëson 100% (njëqind për qind) te kapitalit te shoqërisë me vlerë nominale 100 (njëqind) leke dhe do te zotërohet nga ortaku i vetëm i shoqërisë, z. Enkes Hysendhima ("Ortaku i Vetëm").

Neni 7

Transferimi i kuotave

- 7.1 Ortaku i vetëm zotëron ne mënyrë ekskluzive kuoten e vetme te kapitalit te Shoqërisë.
- 7.2 Kuota e kapitalit të shoqërisë mund t'i transferohet të tretëve vetëm përmes një marrëveshje me shkrim.
- 7.3 Kuota e kapitalit të Shoqërisë mund të transferohet me trashëgimi pa nevojën e ndonjë akti të veçantë.

STRUKTURA QEVERISËSE

Neni 8

Organji Vendimmarrës

- 8.1 Asambleja e Ortakut te Vetëm është organi më i lartë vendimmarrës i Shoqërisë, i cili ka të drejtë të marrë vendime në lidhje me të gjitha çështjet e veprimtarisë së saj.
- 8.2 Asambleja përbëhet vetëm nga Ortaku i Vetëm i Shoqërisë.
- 8.3 Asambleja e Ortakut te Vetëm ka të drejtë të vendosë për:
- (a) Përcaktimin e parimeve të përgjithshme të rregullave të brendshme të Shoqërisë;
 - (b) Ndryshimet dhe modifikimet në Statut;
 - (c) Caktimin dhe shkarkimin e Administratorëve;
 - (d) Caktimin dhe shkarkimin e audituesve të pavarur dhe likuidatorëve;
 - (e) Caktimin e shpërblimit të personave të përmendur në pikat (c) dhe (d);
 - (f) Monitorimin dhe mbikëqyrjen e zbatimit të rregullave të brendshme nga Administratorët përfshirë dhe përgatitjen e bilanceve dhe raporteve vjetore;
 - (g) Miratimin e bilancit dhe raporteve vjetore;
 - (h) Zmadhimin dhe/ose zvogëlimin e kapitalit themeltar;
 - (i) Ndarjen e kuotave në pjesë dhe anulimin e kuotave;
 - (j) Përfaqësimin e Shoqërisë në gjykatë dhe në procedime të tjera kundër Administratorëve;
 - (k) Ristrukturimin dhe prishjen e Shoqërisë;
- 8.4 Në çdo rast Asambleja e Ortakut te Vetëm ka të drejtë të marrë vendime për çdo çështje që tekalon aktivitetin tregtar të përditshëm të Shoqërisë.

Neni 9

Registri i vendimeve te Ortakut te Vetëm

- 9.1 Vendimet e Ortakut te Vetëm te Shoqërisë duhet te regjistrohen ne një regjistër te vendimeve te dhënat e te cilit nuk mund te ndryshohen ose fshihen. Administratori ose administratoret e Shoqërisë janë përgjegjës për mbajtjen edhe ruajtjen e këtij registri.

Neni 10

Administrimi i Shoqërisë

- 10.1 Shoqëria do të administrohet nga një ose më shumë administratorë.
- 10.2 Administratorët kanë të drejtë të përfaqësojnë Shoqërinë në mënyrë të plotë për administrimin e zakonshëm të saj si edhe të drejtën për të miratuar të gjitha vendimet që i gjykon të përshtatshme për të arritur dhe përmbrushur qëllimin e shoqërisë, me përjashtim të vendimeve që me ligj i takojnë Asamblesë së Ortakut te Vetëm.
- 10.3 Administratori/ët mund të autorizojë/në palë të treta për ta/t'i përfaqësuar atë/ata në transaksione të veçanta.

- 10.4 Administratori/ët organizon dhe drejton të gjithë aktivitetin tregtar të Shoqërisë. Ai është i autorizuar të përfaqësojë Shoqërinë në çdo çështje që lidhet me të në mënyrë të drejtpërdrejtë apo jo të drejtpërdrejtë.
- 10.5 Të drejtat dhe detyrimet e Administratorit/ëve janë ato të përcaktuara në ligj, në këtë Statut, nga vendimet e Asamblesë së Ortakut te Vetëm dhe rregullat e brendshme të administrimit të Shoqërisë.
- 10.6 Administratori i Shoqërisë mund të shkarkohet nga pozicioni që ka në Shoqëri në cdo kohë.
- 10.7 **Enkes Hysendhima** caktohet në detyrën e Administratorit të Shoqërisë për një afat **5 vjeçar** nga data e nënshkrimit te këtij statuti.

Neni 11
Viti finanziar

- 11.1 Viti finanziar i Shoqërisë përkon me vitin kalendarik, fillon në ditën e parë të muajit Janari dhe përfundon në ditën e tridhjetë e një të muajit Dhjetor.
- 11.2 Përashtimi, viti i parë finanziar i Shoqërisë fillon në datën e regjistrimit të Shoqërisë dhe mbaron në datën 31 Dhjetor 2024.

Neni 12
Bilanci i Shoqërisë, Kontabiliteti

- 12.1 Bilanci vjetor i Shoqërisë, shqyrtohet nga Asambleja e Ortakut te Vetëm dhe do të përgatitet përdorëzim pranë institucioneve tatimore përpara fundit të muajit Mars të vitit pasardhës.
- 12.2 Librat kontabël do të mbahen në gjuhën shqipe dhe në monedhën vendase (LEK).
- 12.3 Shoqëria mund të marrë financim nga institute financiare që operojnë në Shqipëri apo jashtë saj. Për këtë arsyesh Shoqëria mund të vendosë pjesë të kapitalit si garanci, ose mund të bjerë dakord të hipotekojë pasuri të saj të paluajtshme me vendim të Asamblesë së Ortakut te Vetëm.

Neni 13
Likuidimi

- 13.1 Asambleja e Ortakut te Vetëm mund të vendosë mbylljen e Shoqërisë.
- 13.2 Me vendim të Asamblesë së Ortakut te Vetëm do të caktohet një likuidator ose disa likuidatorë të cilët do të ndjekin procedurat e likuidimit.
- 13.3 Likuidatori(ët) do të përgatisë/in një raport likuidimi, i cili do të përmbajë një pasqyrë të gjendjes ekonomike të shoqërisë, hapat e likuidimit dhe kohën e kërkuar përmbylljen e saj. Në përfundim të procesit, Ortaku i vetëm do të analizojoë bilancin përmbyllës dhe do të miratojë përfundimin e procesit të likuidimit.

Neni 14
Dispozita Përfundimtare

- 14.1 Ky Statut hartohet dhe nënshkruhet në 3 (tre) kopje originale në gjuhën shqipe, secila prej tyre me të njëjtën vlerë ligjore.

ORTAKU I VETEM

Enkes Hysendhima